

皇清文穎續編

皇清文頴續編卷八十四

詩

七言律詩

平定準噶爾詩

謹序

陳世倌

臣

聞王者有征體秋肅春生之義仁人無敵備

文經武緯之模故涿鹿丹陽並勤撻伐冉駹邛

笮亦入懷柔台方訓方懷方象胥實通其嗜欲

蠻服要服荒服王會並集其共球若夫地不隸

於職方戶未登於版籍攷禹貢西戎之叙近在
析支渠搜稽漢時西域之通不越大宛安息大
抵以羈縻爲術或且因姑息養奸苟非應天順
人乘時觀變豈能建萬世不拔之業恢四方無
外之圖也哉欽惟我

皇上綏懷萬邦照臨八表元會之運至今日而大亨
謨烈之垂以

文孫而底績羣生在宥率土咸和畫謀造化之先旣

有倫而有要制勝霄旻之上復盡利而盡神故
天戈所揮而百靈奔走義檄遙指而四海牧寧
已合天下爲一家咸仰中國之

大聖乃準噶爾蝸國自尊甕天內擾生而肆毒竊負
險於一隅飽卽辜恩冀蔓延於三窟經

兩聖之戡定尙守藩籬荷

一人之包容許通貿易而達瓦齊虺蠱爲心梟獍戒
性屠耆之惡搏噬於旃庭冒頓之兇憑陵於毳

穴天實厭其冥頑人共懼其荼毒於是奉質款
關扶攜擁路谷蠡渾邪之屬咸避水火而來康
居大夏之民並望雲霓而至離心解體固已勢
有可乘請命投誠安忍視而不救然而牧吁岳
沸廷議未必僉同衆難羣疑人情憚於謀始但
守丸泥之策不事長征誰奮請纓之心克成敵
愾

皇上奉天時若決策幾先炳

睿照之明成功在斷運

廟謨之勝料敵如神俯絕域於庭階不必繪圖聚米
收遠人如蒼赤何殊推食解衣望

黃幄以獻琛萬戶歡聲胥震進

御筵而賜酒一時感涕俱零遂乃負弩先驅荷戈深
入拔山川而並進勢若建瓴

命將帥以遄征形同破竹榆關春曉風搖箴箴之旂
雁塞塵清聲振淵淵之鼓水泉順候能使士飽

馬騰筐篚來迎不改夫耕婦織渡蒲津而展施
徒御不驚指秦海以挂弓根株已盡爰犁庭而
掃穴爭解甲以投戈雲羅合而鳥散魚驚月壘
環而頭懸面縛鼓聞瀨水爰獲郅支路出陰山
還擒頡利逋誅遺孽旣延頸而就長纓肆惡元
兇旋俯首而羅天網並獻俘於

魏闕氛祲肅清更拓土於版章車書混合

皇威遠播

聖武布昭羣臣拜手颺言扶服稱賀擬崇

顯號以答

鴻庥而我

皇上益矢謙冲彌深兢業歸功於

祖薦至德之馨香讓善於

親仰

徽音之景鑠禮詳樂備川嶽效珍化浹恩覃中外禔

福蓋抱日月之明物來而自照體天地之大功

成而不居誠

上聖之盛心百王之極軌也

臣

伏覽前載有苗之格

七旬爲期鬼方之征三年始定至伐淮徐而賡
常武逐獫狁而出太原以地則近在四封以德
則並隆三古而猶侈爲偉績播諸聲詩若今不
頓一兵不折一矢纘

兩朝之不緒收萬里之輿圖露犬紈牛喘于而來絕
塞琫戈金甲鼓舞而出陽關無雨雪之淹期從

風雲而畢會以今方古罕與比倫而銘勒不耀
於山川歌頌不流於金石其何以發揮盛美潤
色太平臣謬掌絲綸情深舞韶寸籌莫贊愧無
帷幄之謀曠典欣逢喜溢饒吹之曲敬賦短章
用攄下悃

聲靈赫濯萬方敷絕徼塵清運

睿謨疆索恢基開地軸星文占象息天弧

三朝威德同帡覆九譯山川入版圖海宇一家王會

集昇平道協泰階符

狼居胥北舊銘功尙爾冠裳俗未通葱嶺直遮秦塞
外玉關遙置漢圖中獸窮不誠三驅獲蟻聚偏勞九
地攻蠹爾妖氛阻化日曾經

列祖奏膚公

義軒神武仰

前皇萬乘旌旗肅啟行諸將受期分玉斧九天決策
駕龍驤秋高太白

天威赫路入河源

帝澤長髣髴汗流趨鐵馬大風雲起見飛揚

繼序相承適駿聲

文謨

武烈贊平成更看青海無傳箭重挽黃河爲洗兵戍
守不煩都尉府屯田罷築靜邊城

聖朝寬大同天覆蠻觸何緣敢鬪爭

部曲分攜盡叩關甘泉昨歲納呼韓歸誠願効前驅

力

賜秩深邀

聖澤寬不藉尺書招贊普更看長劍斬樓蘭

王師時雨從天降萬帳春回大漠寒

西極崑崙萬里賒

廟謨早自燭幽遐帳前畫策頻籌箸閩外推誠特建
牙虜在目中情不隔師過席上令無譁壺漿一路歡
迎處歌嘑聲齊靜鼓笳

摩壘何曾一鏃遺飛書不俟七旬期軍符氣肅風雲
護旌旆威行草木知喜溢饒歌朱鷺曲聲傳樂府白
狼詩自來神速誇三捷況見連章露布馳

逋逃卒獲盡羣頑元惡寧容竄伏姦熱海波翻窮浩
渺凌山雪散失孱顏連雞已見都支執奔兕仍擒賀
魯還殲爾渠魁收絕幕不聞霜戟戰痕斑

烽燧全消絕域開蒲梢天馬自西來冰泉應候投醪
喜柳雪無憂挾纊回共仰成功憑

睿斷能邀駕馭卽雄才殿廷莫展雲臺議帷幄親勞
聖主裁

天門詆蕩藹卿雲披拂南風五月薰

寢殿告功瞻玉几

慈闈歸美煥龍文

冊勲名上麒麟閣飲至懽騰鵞鶴軍

綸綍十行

恩寵渥普天解澤浩無垠

巍煥勲猷冠古今報功獨自切

宸襟百神徧治懷柔德千聖咸通陟降心更仰

羹牆展特祀式瞻

車服答居歆春郊佇聽康衢祝十二山河

玉輅臨

禮樂修明至治宣九功七德播瑤鑄筵開

避暑黃封賜勲重凌烟赤芾聯萬禩金甌麗日月八

紘繡壤奠山川

微臣

擬勒高昌石慚愧清風吉甫篇

皇上五旬萬壽恭紀

謹序

錢陳羣

乾隆二十五年秋八月恭遇

皇上五十萬壽普天率土莫不稽首面

闕敬效嵩呼

臣受

恩至渥思欲趨奉

天顏一展犬馬依戀然後隨諸王大臣後忭舞階墀

行有日矣適頒

諭旨念

臣

衰老不令遠涉

臣

恭釋之下感悚實深沐

浴齋戒精思澄慮敬製長律十二章以

獻維是古者以詩詞進於尊者類有引以當乘韋

義也

臣

伏思經籍所載臣庶贊美祝嘏自三多

而後書曰欲至於萬年詩曰天子萬年又曰萬
壽無疆其他鋪陳功德羅列祥瑞者卷帙繁衍
未可悉數我

皇上天質純修學與性成集福凝庥繼承大統德被
生民威服遐邇日月所照雨露所濡罔有內外

共惟

帝臣際茲

大慶之期在廷儒臣在野憲老蘸筆綴詞分門牋記

以鳴其盛雅頌風謠各不相襲

臣

讀周易繫辭

八章曰大衍之數五十又曰乾之策二百一十
有六坤之策百四十有四凡三百有六十當期
之曰二篇之策萬有一千五百二十當萬物之
數也王弼曰演天地之數所賴者五十也用以

之通數以之成正義以三百六十推之爲萬有一千五百二十皆由五十大衍得之易又曰天數二十有五地統乎天者也我

皇上乘乾出震法天行健天之事也乾之象也

臣又

以

皇上誕膺寶祿之年按之適二十有五龍之潛也今年

萬壽又適二十有五飛龍在天位天德也合之大衍

之數適符焉言天地之數者諸儒家自爲說以
王弼爲正弼又云萬有一千五百二十必以五
十演之方爲自然所謂演天地之數所賴者五
十也觀此則今日之

大慶其與易之大衍自然契合君子言理而不言數
惟數卽寓於理之中我

皇上至仁至孝以惇大爲體以明作爲用淵泉時出
綿景運而享遐齡錫福臣民正未有艾如原泉

之出山流行滂沛襟巖趨谷四注而不可涯浹
潤千里滋萬卉濟舟楫通沼沚其發見處淵乎
若渟靜而有本大衍之數於易爲朔亦如是矣

臣舊史官也祈

君永命徵理演數敬製斯序陳之

黼座伏惟

睿鑒

苞符應瑞世如春華渚光中誕

聖人

上帝篤生原獨厚

仁皇睿鑒賞尤真山川雲物占時雨

祖德

宗功毓大椿赤雀銜書秋序正一輪皓月色逾新

日必三朝問

寢餐師資舊學有甘盤十行一目行行下五字長城

子字安南苑時臨講武地東齋勤上勸經壇

龍姿曰角同

天表早識

重華宇量寬

由庚萬彙仰昭蘇

潛邸承

恩預

廟謨漠北銷兵安反側
苗疆善後感歡呼
性天直契
三乘妙名理全融
至道腴

神器萬年深付託誕膺多福裕璇圖

雨施及物物含滋重譯梯航任彼爲履盛尙憂長治
日思難益勵守文時求衣每見寒星在進食曾當夏
景移諸福沓來山阜積

一人乾惕自孳孳

日之升與月之恒

大孝惟知

色笑承天下奉

親尊至養

聖人歸善上

嶽稱九重冬夏猶溫清萬國傳聞比閔曾孺慕行將
開六十鈞鈴應

德自長徵

祀事修明亦孔虔豈惟博碩備牲牷敬

天尊

祖精誠格重道崇

師禮數全三輔

松楸

君子履

橋山盼蠻

孝孫蠲陪京朝會同豐鎬再集鵷行又六年

虞典時巡首二東嵩呼祝嘏幸天中騎臨巨浸資長

策舟過平江爲採風

清問豈惟詳吏治

霽顏直欲勸農功
方行曾上清涼界
登陟由來

祖武同

勤民懷保切
林林廣被如膏
渥澤深萬姓
已躋仁壽域

九重未釋厘
憂心曾於渴雨

躬湯禱每拂薰風

手舜琴感格

蒼穹惟默契
乾乾猶自凜難諶

宣厥聰明運萬方
照臨咸仰日重光
人從一見多能識
事到曾經總不忘
行健法天原有象
能容應地自無疆
麟遊獸舞昇平世
擊壤

堯衢樂未央

蓬蒲朱草拱

宸居冀茨賓連慶
有餘鐵勒邛籠來
拜舞重洋絕徼
奉車書華封野老
申三祝天保詩人
頌九如玉甕天漿
甘露渥不知身已
入華胥

練勇程才有收褒文修武備拔八豪詩篇富與春秋
富勲業高於嵩岱高絕藝重圓多貫札馳情八法擅
揮毫從臣一字邀

清賞忭蹈榮逾得繡袍

搏桑新沐漾晴暉紫閣朝來護翠微仙樂空中音嫋
嫋天香雲外屑霏霏敘倫誼篤惟祈耆眷舊恩深有
賜緋千億萬方齊上

壽

至尊先自觀

慈闈

皇上五旬萬壽恭紀

曹文植

旭日初生若木東冠裳忭舞八絃同榮光瑞彩周天
宇繁祉嘉祥集

聖躬景運三陽方筮泰昌辰萬歲競呼嵩策從大衍
推千億如阜如同壽域崇

天人徵應溯前蹤至德由來福所鍾威鳳雖喈翔舜

陛卿雲紉縵遍堯封安貞應地咸能載覆幬如天信
有容

聖主巍巍功莫尙從知卜算邁義農

峯容崑崙水清淙長白山環鴨綠江王氣靈長綿地
軸祥符彪炳麗天杠篤生

神聖昭承統混一車書溯作邦積德累仁開萬禩

熙朝景福古無雙

華渚虹流瑞應期

龍顏曰角誕神姿重光紀甲彰全盛元運由庚協聲
宜精一道承千載緒治安業裕萬年基惟

皇建極符箕範福斂

宸躬理可推

慈寧集慶靄春暉視

膳承

歡志不違儀鳳翔雲扶

玉輦袞龍愛日侍斑衣以天下養膺多福由一心推

式九圍共仰鈎鈐徵

孝治當階翠蕙更芳菲

於穆流行默契餘時幾敕

命溯虞書監觀每念凝承本明且常懷對越初鑒器

升馨昭有格甘膏應禱感非虛璣衡齊政申

欽若至德端臨仰

帝車

作求世德奉

前謨陟降情深謹步趨繼述羣欽揚

大烈經綸尤見廓

鴻模守成開創

身兼備累洽重熙

澤並濡豐芑燕貽綿奕葉洪惟繩

武啟璇圖

萬幾兢業

聖衷齊曰克勤惟大禹稽宵旰勵精釐庶政畢箕從

好念羣黎知臨積厚覩時出敬勝承庥頌日躋廿五
年來增美盛屏風無逸每

親題

交泰情聯上下皆賡揚喜起集堂階明良合德天工
亮師濟盈廷庶尹諧大法小廉襄邳治文修武備懷
宸懷欣瞻萋萋梧岡盛鳴鳳歸昌彩翼排
王風熙皞被埏埴樂只邦家美有臺擊壤

堯衢忘

帝力揮絃

舜陞阜民財蠲租賜復

深恩溥浹髓淪肌

厚澤培府事休和功敘永舒長化日

治彌恢

運啟文明景倍新作人雲漢煥秋旻藝林著述皆崇
雅間左謳吟亦返淳風氣漸移徵日上清真有訓本
天申共欣

教澤涵濡遠陶冶羣材感

大鈞

懋勉深宮典學勤

聖由天縱邁前聞道源上闡圖書祕渙號

親垂訓誥文萬卷編年排甲乙

九霄揮翰燦星雲惟將縹帙娛

幾暇玉卮清陰每惜分

皇躬律度契真源明備從知雅化尊五禮蒼圖儀有

典九成宣樂律探元節和靜與沖機會器數精舍至
道存恰值功成揚

盛德一時制作軼黃軒

導河積石溯隨刊禹績昭垂美可觀

指示重聞勞

駐輦平成常見慶安瀾卑之賈讓陳三策陋彼宣房
詔百官此日榮光還上燭遙知五老集雲端

共欽

神武蓋瀛寰容節兼全巧力嫻中鵠慣能穿百步

射熊曾記度千山因權輕重論勞逸爲戒恬熙策懦
頑計日秋郊

修大獵騰驍天驥騁星閑

通道西南紀昔年元臣

特簡定金川禽其間謀情先得示以包容

恩與全探穴何曾驚卡險拒吭早使失礮堅紛紛納
款和門下銅柱高標盪箐烟

伊犁底定遠人朝春遍陽關萬里遙負固漫矜營窟
免懷音都化集林鴟火州師過膏隨澍黑水圍開霧
總銷拔達山前同振旅長歌一路奏鐃簫

廣輪開拓入兼包綏靖遐方作近郊蒲類東流歸海
若崑崙西柱奠山苞象胥按籍頻通譯鴈使依間盡
列爻分命義和重測晷嚙斯占協四時交

圖成王會隸分曹不數周京獻雉獒牽到錦駒肥苜
蓿貢來碧椀酌蒲萄文同九府錢重鑄宋燭三河玉

可撈鞦韆於今添小部鵠絃疏勒撥銅槽

元功廣運氣調和

天筆淋漓萬象羅詩紀出師超雅頌論成開或沛江
河銘勲再見豐碑樹勒石頻看峭壁磨更有古槐榮
頻水

鴻章表瑞映婆娑

屯務機宜次第加盡銷烽燧作農家崆峒已喜全收
麥疆場寧教僅有瓜地湧靈泉通鴈磧天貽嘉種遍

龍沙邊氓萬里饒生計充國陳言未足誇

郊勞

躬親盛典詳

鴻庸亘古建非常特標偉績銘鍾鼎更寫英姿壯廟
廊壁畫丹青增感激

天題華袞與褒揚雲臺麟閣何須數傑構於今仰
紫光

秋月春風銓院清銜

恩士氣感難名龍門添與三千水鵬翼培將九萬程
南極輝煌聯北斗文昌朗潤映長庚衆仙同聽霓裳
詠金鏡光中蕊榜明

登豐萬寶慶盈寧占叶金穰應歲星甘雨和風調節
候禾廬黍廩遍郊垌秋衣授處桑猶沃春酒成時椒
比馨自是太平真景象籥章幽雅總堪聽

冲融協氣遍薰蒸人瑞還從

聖化增八世淳風同作息百齡餘慶到雲祊醴泉芝

草寧無本麟趾關雎信有徵共說太和盈宇宙春臺
處處樂如登

省方民隱厪

諮諏耕斂常邀

玉趾留慶洽嵩雲兼岱日歡聯越唱暨吳謳渡江梅
柳

春先到遍野桑麻

澤正稠此日東南知有喜香盤萬戶望

宸遊

蓬萊清曉五雲深
寶露如珠湛上林
光滿慶霄輪湧
玉花開香界粟霏金
西成平秩覘熙績
南呂相生叶
治音最是壽星躔
次好萬年

聖節契

天心

年年佳氣驗弧南
萬國頻呼
萬歲三受福先於

王母介統元惟是

聖人參芝呈松棟雲生采桃熟瑤池露浥甘燕喜龍
光同拜頌普天常沐

慶恩覃

祝

嘏臣民切就瞻淵涵

聖度更流謙不教禮節趨繁縟惟與蒸黎樂養恬祿
壽自然徵

大德地山怡爾協亨占日新月盛筵多益信是升恒
頌可兼

中天儀舞叶韶咸闐闐雲凝赤羽繆樓旭九華輝

黼辰屏山萬壽擁香巖充庭鴛鴦金搖佩職貢麒麟

錦製衫珥筆小臣新拜慶譜將衢頌進瑤函

聖駕再巡江浙詩謹序董邦達

臣聞堯圖獻瑞祝應三多虞典巡方期符五載

我

皇上繼

天出治法

祖攸行解雨巽風澤無分於遠邇宵衣旰食念每切

於東南屬當西陲底定之期恭上

聖母無疆之頌執玉帛者萬國謳歌旣被於同風
開

寢膳於三朝尊養兼申乎

愛日爰

允邦人之請聿陟吉日之行動地歡聲奉

大安之雲輦自

天降澤躋羣類於春臺

臣

籍隸江鄉喜先父老奉香

行役隨

龍罕以神馳向日攄忱佇

霓旌而色舞叨依

禁近合附賡歌謹賦七言平依卅韻豫遊有慶兼

陳衢巷之謠揚圻無能竊步雅風之末云爾

時邁懷柔典禮崇康年

天賜慶和豐

宸居念切諏民隱

清問時勤度土功

輦路萬家紅杏雨江春二月綠楊風吳波越水重涵
育望

幸情深五載中

寰海方春淑氣濃版圖無外擴堯封日邊珠斗占天

象江上漁樵識

聖容徹道雲屯注水馬

御舟波護洛濱龍六巡典冊思

文祖欣覩光輪日月重

天家錫慶古無雙

孝治光昭法萬邦寶鼎金芝呈漢瑞瓊圖瑤牒獻吳
江春屏翠湧紅螺岫曉渡烟籠青雀艫隔歲早傳寬
大

詔更承

慈豫樂敦龐

麗日含韶湛露滋敷天拜手慶淳熙仙葩絢綵迎

雲仗瑤草舒芳接

翠旗土俗細諮勞駐

輦田疇方茂戒橫馳悠揚

芝蓋平飛處還似行春繡陌時

桂巖風景近

王畿

鳳輦時臨入翠微
小艇浮波芳草合
長隄古樹早鶯飛
漁簖蟹簖連沙嶼
碧浪紅欄繞竹扉
言指吳趨來

趙北

龍舟輕漾瑞霞暉

明庶風和百卉舒
郊原淑景指青徐
天垂平野雲成幕
路入江臯雨潤車
岸草鋪茵飛乳燕
溪桃點水落文魚

宸心茂對還勤恤

大澤頒來沛里間

淮流浩淼達東吳望裏長隄映綠蕪彩鷁風迴山影
動清江日照鏡光鋪翻翻鷗鷺鳴江渚簇簇鶯花入
畫圖

帝德只今亭育徧仗前童叟共歡呼

廣陵城郭柳陰西夾道焚香萬戶齊

天語丁寧昭儉德

皇仁稠疊軫窮黎
花穠邗水移

龍節草綠平山入

睿題鹽筴商輅全減却

行宮猶是古招提

中流烟樹峙丹崖
蜃歛雲收風日佳
萬頃波光連海
若一行帆影下
秦淮佳廬鼎古人
模象裴洞鐘疎僧
散齋長得

宸遊輝

簞藻江天霞想入奇懷

牙檣風動轉江隈
花作峯巒錦作堆
纔聽新鶯啼茂苑
又看明月照香臺
珠簾瀑散千巖雪
玉海光搖萬樹梅

聖治咸寧殊域貢驚傳繩伎

日邊來

珠宮縹緲綵霞新
草木含暉傍

御輪拂水預修三月稷
登巖多占十分春
翠浮琴石

通樵路香泛花池隱釣綸茶塢桑陰聞笑語從知
厚澤被黎民

具區東望渺湖雲襟帶三吳氣象分自昔禹功傳底
定於今

舜樂播時薰四宜軒好供

宸賞萬笏峯多接紫雲俱爲朝

天呈霽景太和瑞靄正氤氲

鴛鴦湖畔徧漁舫百五風光日正暄里閨樓臺齊傍

水人家桑柘半遮門
秧抽綠野連新畛
萍合青蕪匝小園
欣覩

聖人重至止嘉禾
真見吐花村

祥開明聖鏡清瀾
鳳舞龍飛卓大觀
柳映坡隄金豔豔
梅舒逋樹玉珊珊
笙歌爲喜同民洽
魚鳥都欣得地寬
南國瞻

天人擁路

慈寧兼與駐和鑾

靈鷲飛來竺國山
乳花清冷聽淙潺
松排峭壁青千尺
草長澄湖綠一灣
慧日慈雲空色相
碧潭紅嶼隔塵寰
卽看

寶墨重題處
夜夜光騰法界間

疊翠浮巒籠紫烟
湖山佳處企

恩偏霏空花雨
飄經唄曉竊香雲遶

御筵曲水蘭亭修禊地
石泉槐火焙茶天
却逢芳節承

三才圖會卷之九
雕輦近指南山祝

萬年

波騰龕赭聳岩堯令肅魚龍靖不驕

萬乘更臨滄海日一帆遙指曲江潮厝薪下槌

宸謀遠測水量沙

睿斷超敬讀豐碑

天語煥安瀾行見百靈朝

簪纓濟濟叩

雲旂

聖主優賢慶在郊
魚藻重聯鵷鷺侶
桐枝近託鳳凰巢
香山洛社邀

天眷法酒網茶捧

大庖不獨舊臣承

寵渥彙征齊叶地天爻

疇咨岳牧暨羣曹
民俗官方八柄操
秋穀春絲

恩用恤書屏題柱
典從褒忠廉益勵
心如水撫字還

期澤沛膏仰慰

至尊南顧意聲聞願此鶴鳴皋

中林佳氣萃菁莪

恩命先增選士科已見芹宮加拔擢還憑珊瑚網徧搜
羅

金門給札青衫奮畫省儲英彩筆多幸矣書生逢

聖代得依

輦下賦卷阿

聖朝醕醬禮無加
鳩杖攜來夾道遮
紺髮瞻雲呼
萬歲黃眉被

澤樂千家花明四照

恩光徧麥秀雙歧慶兆嘉
邀得

龍顏開霽色更傳

天語問桑麻

耕鑿

堯衢樂且康陽春布德載輝光

恩由冀北覃江介賦貸錢刀及稻梁雨潤村農芸宿
麥日遲紅女采柔桑自今里少催科吏休助聲歡

蹕路旁

萬里西陲已洗兵不將武備弛承平侍臣橐筆長楊
賦大將囊弓細柳營北府貔貅開玉帳南天組練壯
金城車攻洛水由來詠爭似

皇家赫濯聲

白門柳映蔣山青建業雄都占地靈朱雀桁前芳樹

接鳳凰臺上

翠華停雲凝烟岫依香界霞散澄江照畫舸徵士舊
傳棲隱處最蒙

宸藻闢林垞

鑾輿經處頌聲騰載筆

恩綸紀未勝飢溺總殷

堯禹志

欽崇時叶雨暘徵灑塗甘澍三春渥入律和風百穀

登共識

帝光臨照徧年年大有慶頻仍

波臣効職悉安流鞏固金隄仰

睿謀星宿河源長到海桃花春漲不驚鷗宜防績奏

千秋頌疏瀹功成六府修試望榮光川瀆起也隨輯

瑞視諸侯

治統元從道統欽杏壇禮器接森森

鸞旗載展探洙水麟紋垂光示檜林俎豆惟馨崇報

禮金絲更契

聖人心大成廣樂鈞天奏愈仰中和

帝德深

遙指光華擁翠嵐

微臣

何自傍

星驂

御香承

旨分諸道史職觀風紀二南撰合

乾行方御六聲傳嵩嶽正呼三漢家秋祀惟濟霍那

及

熙朝

聖教覃

虞狩周巡

聖舉兼計程南北望

雕幃屬車憶侍獅林仗行漏聽傳豹旅籤歌和唧雲
天旦旦詩賡蕭露夜厭厭盼回

仙蹕瞻

龍衣三事

恩華別樣霑

盛禮觀成四海誠迎

鑾日下簇朝衫

慈暉春靄光

璇極

宸翰雲開捧玉函

帝德觀揚惟

祖烈

皇心顧畏祇民暑摘詞敬代康衢頌願譜功歌奏九
咸

聖駕再巡江浙詩

童鳳三

五雲詆蕩啟

天閭屢省彌沾

帝澤洋紫陌春雷騰萬歲青旂靈雨沛三陽載稽舊

典

時巡重正值羣情堅

幸長越水吳山開化日霓旌引處肅勾芒

錫福彌彰

孝治隆雲輶春暖奉

璇宮南弧乍觀光呈瑞東作先占歲屢豐芳甸曉披
苒葉雨行廚涼動蕙蒲風良辰景物紛靈秀都在

慈顏悅豫中

時邁登歌繼武成先寅羣仰

六飛行圖開王會丹青集風靄天衢錦繡明花舞金
鸕依

翠葆雲連畫雉列春城

睿懷別有相關處綠滿秧塍布穀聲

靈河東望接滄溟一氣扶桑擁太青鼇柱春恬通碧

落蚌胎夜滿靜黃星沮洳永恃金隄壯籌畫頻煩

玉輦經從此安瀾歌

聖澤千秋平土萬家寧

湛深如海沛

皇仁次第蠲租

詔屢申已見作人隆壽考更聞乞憲引儒臣鈎鈐耀
處光連璧含譽澄宵氣似銀試向堯封聽擊壤華胥
長享太平春

雍熙嘉典展

巡方禮肅明禋際會昌白琥黃琮周望岳雲彝雷鼎
啟宮墻師瞻百世心源接秩視三公瑞應彰自是和

平昭

景福華芝曙拂葉旂光

帳殿無煩玉祀輝頻聞

異命下綸扉緣知儉德紓民力自有清音協化機狎

獵寧教披藻井歲蕤還遣護蘿衣郊原風物春陽麗

彩羽晴分紫鳳飛

宸章先後本同符

祖法欽承仰

睿謨烟葉披香甘露潤巖花涵墨慶雲敷書傳無逸
千秋鑑座繪豳風乙夜圖

至德無名逾復旦敢將謠頌擬康衢

聖駕巡幸天津詩

蔣元益

帝眷畿南

日馭臨風光二月報春禽平成遠紹

神堯烈懷保親承

聖妣心休助兼旬儀並闡謳歌卅載望原深勤民間

俗關

宵旰漫擬

宸遊賦上林

三岔一脈趨溟渤九道千年剩鬲河漫向牯牛開永
定仍從鉅鹿下滹沱渾流直截清流溢沽水遙承淀
水多形勢機宜憑指點

神功不遣禹經訛

南紀曾經入

睿裁尋源北戎又沿洞格隄遠上雄虹亘滅壩平流
迅駛迴疏瀹自今河似鏡朝宗終古海如杯子牙隄
畔穹碑仰又映

天邊麗藻來

翠華停處瑞烟高

盛世爲農福幸叨歌祝萬家原近日蠲除三輔倍流
膏桑麻卽景延

清蹕暘雨隨時入

御臺呵禁不教嚴羽衛扶犁荷笠喜周遭

入疆驚序慶

恩駢進律同瞻尺五天金幣已聞頒

內帑瓊珍更遣飫官筵政成富庶知民樂

訓凜循良識吏賢況是投簪材不廢傾葵重到

五雲邊

風清

日下喜還醇傍

輦鶯花眼底新
粟帛紛攜扶杖叟
儲胥遍蓋荷戈人
均占渙汗龜池澤
不隔陽和犴岸春
猶有黃頭勤打漿
承

恩爭唱櫂歌頻

民事難忘

清問勤

皇猷詰武更敷文
香濃芹藻衿裾盛
令肅風霜組練

紛

宸翰頻揮光耀日

天弧閒挽氣凌雲百年風教先畿甸揆奮由來仰

大君

水德涵濡此冀方好將蠲潔報靈長雕楹高映蒼波
色

銀榜遙騰紫澥光澹蕩祥飈移

鳳舳昭回元氣俯龍堂升馨

明德孚

神貺後海先河祀典詳

分明江國軟紅消

輦路舟程指顧遙誰遣高臺訛釣渚漫憑遺廟說蘇
橋

旌開麗陌春長駐檻倚澄波澤並饒更潑金壺

宸賞洽一枝梅萼破山椒

盛典時巡繼

燧軒觀民觀海仰

王言春膏久浹長蘆壤協氣新周析木垣永奠坊庸
占利賴頻邀慶惠錫便蕃年年清晏承

慈豫

輦下歡聲遍擊輦